



江蘇省地方志編纂委員會辦公室 編

江蘇歷代方志全書

4



江蘇省地方志編纂委員會辦公室編



鳳凰出版社

江蘇歷代方志全書

4

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書·蘇州府部 / 江蘇省地方志編纂
委員會辦公室編. -- 南京：鳳凰出版社，2016.7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295.3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253.25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200.00圓(全九十九冊)
(本書凡印裝錯誤可向承印廠調換, 電話: 0514-87969255)



洪武蘇州府志（三）



（明）盧熊撰

第四冊目錄

洪武蘇州府志（三） 〇〇一

蘇州府志卷第二十一

人物

郡人 盧 健 輯

形於上者謂之天形於下者謂之地命乎其兩間者
謂之人為萬物之靈不與草木同腐者以其能全性
命之正也能全性命於內故英華發外或立德立功
立言或游于一藝若善書善畫善醫為卜筮為釋老
者有行業之可稱為貞女為烈婦為教化之所重事
皆可筆於書可傳於後於以見同宇宙而不朽此人
之所以不殫於物也姑蘇為郡古今人材得天地清
淑之氣者亦多矣又安可不備而錄之乎

名宦

顏駟漢武帝至郎署見一老郎頭眉皓白問姓名何其老

也對曰臣文帝時為郎文帝好文而臣好武景帝好老而臣尚少陛下好少而臣已老是以三棄不遇上感其言擢為會稽都尉

任延字長孫南陽宛人也年十二為諸生學于長安顯名太學號為任聖童更始元年以延為大司馬屬拜會稽都尉時年十九迎官驚其壯姘少及到靜泊無為唯先遺饋禮祠延陵季子時天下新定道路未通避亂江南者皆未還中土會稽頗稱多士延到皆聘請高行如董子儀嚴子陵等敬待以師友之禮掾吏貧者輒分奉祿以賑給之省諸卒令耕公田以周窮急每時行縣輒使慰勉孝子就餐飯○吳有龍丘蒼者隱居太末志不降辱王莽四輔三公連辟不到掾史白請召之延曰龍丘先生躬德履義有原憲伯夷之節都尉埽其門猶惧辱焉召之不可遣功

曾奉詔修書記致書為吏使相望於道積一歲長乃乘輦詣府門願先死備錄諸葛名錄也延辭讓再三遂署議曹祭酒長尋病卒延自臨殯不朝三日是以郡中賢士大夫爭往官為建武初延上書願乞骸骨詔徵為光祿太守視事四年徵詣洛陽以病稽留左轉睢陽令拜武威太守嗣宗朝歷潁川河內二郡永平九年卒

第五倫字伯魚京兆長陵人少有義行建武二十七年舉孝廉補淮陽國醫工長二十九年從王朝京師詔為扶夷長未到官追拜會稽太守雖為二千石躬自斬芻蕘馬婁執炊爨受俸裁留一月糧餘皆賤買與民之貧羸者會稽俗多淫祀好卜筮民常以牛祭神百姓財產以之困匱其自食牛肉而不以薦祠者發病且死為牛鳴前後郡將莫敢禁倫移書屬縣曉告百姓其巫祝有依託鬼神詐怖愚

民皆案論之有妄屠牛者吏輒行罰百姓以安永平五年
坐法徵老小攀車扣馬號呼相隨口裁行數里倫乃偽止
亭舍陰乘船去及詣廷尉吏民上書守闕者千餘人時顯
宗案梁松事亦多為松訟者帝詔公車諸為梁氏及會稽
太守上書者勿復受會帝幸廷尉錄囚徒得免歸田里數
歲拜為宕渠令遷蜀郡太守肅宗初立擢為司空
張霸字伯饒蜀郡成都人少知孝讓鄉人號為張曾子七
歲通春秋後遂博覽五經舉孝廉光祿主事稍遷永元中
為會稽太守表用郡人處士顧奉公孫松等奉後為潁川
太守松為司潁校尉並有名稱其餘有業行者皆見擢用
郡中爭厲志節習經者以千數道路但聞誦聲霸始到越
賊未解郡界不寧乃移書開明用信賞賊遂束手歸附
不煩士卒之力童謡曰弃我戟猶我矛盜賊盡吏皆休視

事三年謂掾吏曰太守起自孤生致位郡守蓋日中則移月滿則虧老氏有言知足不辱遂上病後徵四遷為侍中卒年七十將作大匠崔駰等與諸儒門人追錄本行謚曰憲文

益州耆舊傳曰張霸為會稽太守舉賢勸講一郡慕化野無遺寇民語曰城上烏鳴哺父母府中諸吏皆孝子霸文入海捕賊遭疾風晦冥波水涌起士卒驚白霸亡曰無得恐太守奉法追賊風必不為害頃吏風靜波止慶鴻洛陽人慷慨有義節廉范與為刎頸之交時稱曰前有管鮑後有慶廉鴻至會稽太守所在有異績

馬援字伯威扶風茂陵人援之族孫也章和元年遷廣陵太守吏民刻石頌之永元二年轉漢陽太守有威嚴稱後數年為丹陽太守轉會稽太守治亦有聲轉河內太守永

三

初中卒

趙牧字仲師長安人少知名以公正稱歷侍御史會稽太守皆有稱績為彭城相元初三年坐事下廷尉會赦免死終于家

麋豹東海人為吳郡太守永興二年建吳恭伯廟於閭門外嘗按行屬城問功曹唐景風俗所尚景曰處家無不孝之子立朝無不忠之臣又為儒宗武為將帥時人以為善言

東門吳歷吳濟陰二郡太守所在貪濁謠曰東門吳取吳半吳不足濟陰續

徐參下邳良成人中常侍璜之弟吳郡太守時刺史陳翔舉奏參在職貪穢徵詣廷尉翔由此成名大振翔字子麟汝南邵陵人與張儉岑暄等為八友

咸憲字孝章會稽人器量雄偉舉孝廉補尚書郎遷吳郡太守以病去官憲素有名為孫策所忌孔融憂其不免與曹操書云孝章寔大夫之雄也公能馳一介之使加只尺之書則孝章可致友道可宏也今之少年喜譏前輩或能譏評孝章孝章要為有天下大名九牧之人所共稱歎遂徵為騎都尉未至為權所害憲居陽羨兄弟三人慙為一時名士弟宏居吳少有慷慨士風宏弟仲居會稽有聲望憲子匡奔魏位至征東司馬

許貢為吳郡太守興平二年奏分烏程為永脰時孫策方起貢表聞漢帝云孫策驍雄與項籍相似宜加貴寵召還京邑若寘于外必為世患策候吏得表以示策亡遂殺貢貢小子與客亡匿江邊策車騎出貢客擊傷策亡病創死陳瑀字公瑋下邳淮浦人太尉球之子舉孝廉辟公府洛

四



陽市長後辟太尉府未到初平二年袁術以為揚州刺史
四年曹操敗術于封邱南向壽春瑀拒不納術退保陰陵
合軍攻瑀走下邳光漢元年就拜議郎安東將軍行吳
郡太守建安二年操遣議郎王誦奉詔以孫策為騎都尉
領會稽太守又敕徐州牧溫侯呂布及瑀同討袁術策自
謂統兵但以騎都尉領郡為輕乃諷誦承制假策明漢將
軍時瑀屯海西策治嚴當與布瑀參固形勢行到錢唐瑀
陰圖襲策遣都尉萬演等密渡江使持印傳三千餘結賊
與丹陽宣城涇陵陽始安黥歙諸險縣大帥祖郎焦巴及
烏程嚴白虎等使為內應同策軍發欲攻取諸郡策覺之
自將討虎別遣呂範徐逸攻瑀于海西瑀單騎奔袁紹策
梟其大將陳收穫吏士妻子四千入瑀從兄子廣陵太守
登冶射陽陰遣聞使以印綬與白虎餘黨以報瑀見破之

辱策討登歸丹徒遂為許貢刺客射死瑤領郡凡六年

朱治字君理丹陽故鄣人興平初勸孫策平定江東時在壽春

後遷吳郡都尉從錢唐欲進到吳吳郡太守許貢拒之于由拳治與戰大破之貢南就山賊嚴白虎治遂入郡領太守事建安七年孫權表為九真太守行扶義將軍食委由拳無錫毗陵四縣黃武元年封毗陵侯領郡如故二年拜安國將軍金印紫綬徙封故鄣歲餘還吳三年

辛初治領吳郡舉孫權為孝廉後權歷位上將及為吳王

治每進見權常親迎執板交拜其見異如此

蒯社字宣嗣丹陽人從孫堅征伐有功堅薦為九江太守後轉吳郡所在有聲

滕胤字承嗣北海劇人有操節美儀容封都亭侯弱冠尚公主年十七建安二十年起家丹陽太守徙吳郡會稽所

五

在見稱每聽辭訟察言觀色務盡情理人有窮冤對之流涕

吳展字士季下邳人郡人蔡洪答刺史周浚論吳士書曰士季忠足矯非清足厲俗信可結神才堪幹世仕吳為廣州刺史吳郡太守吳平還鄉里閉門自守不交賓客誠聖上之老成明時之俊義也

賀邵字興伯會稽山陰人吳景帝孫休即位從中郎為散騎常侍出為吳郡太守初不出門吳中諸強族輕之乃題府門云會稽雞不能啼邵聞故出行至門反顧索筆足之云不可啼殺吳兒于是至諸屯郎檢校諸顧時役使官兵及藏逋亡悉以事言上罪者甚衆陸抗時為江陵都督故下自請孫皓然後得釋後遷中書令領太子太傅天冊元年上疏切諫邵奉公貞正親近共諧殺之

謝勛會稽山陰人武陵太守承之子歷吳郡太守封蘭亭侯與

知名承撰後漢書

太史亨字元復東萊黃人建昌都尉慈之子歷官尚書吳郡太守越騎校尉

張澄字國明吳縣人嘉之子晉光祿大夫吳郡太守孫敞晉侍御史度支尚書吳國內史

胡仲汝南固始人父綜字偉則少孤母將避難江東孫策領會稽太守綜年十四為門下循行留吳興孫權共讀書策薨權為討虜將軍以綜為金曹從事官至侍中赤烏六年卒冲仕吳中書令晉尚書郎吳郡太守

傅咸字長虞北地人司隸校尉元之子咸寧初襲父爵累遷尚書右丞吳國內史吳郡顧榮與親故書曰傅長虞勁直忠果雖非周才亦足貴也任御史中丞元康四年卒贈

六

司隸校尉謚曰貞

殷祐字慶元雲陽人吳無難督基之子也為宣城太守在宛陵嘗有疾廬州韓友筮之曰七月晦日將有大鵠來集廳上宜勤伺取獲為善至日果有大鵠垂尾九尺集廳事上擒捕得之不久遷石頭督護擢吳郡太守嘗上牋論顧榮功高贈典不稱由是贈榮驃騎將軍開府儀同三司事見榮傳

鄧攸字伯道平陽襄陵人晉愍帝徵為尚書左丞不就元帝以為太子中庶子時吳郡缺守人多欲之帝乃授攸正清和平簡貞正寡欲載米之郡俸祿無所受惟飲吳水而已時郡中大飢攸奏賑貸未報乃輒開倉救之基遣散騎常侍桓彝虞驥尉勞飢人觀聽善否乃劾攸以擅出穀俄有詔原之并令桓彝省其衆後攸在郡政清明百姓歡悅